

Parent Involvement Survey Handout

Special Education

School Year 2025-2026



Mefiom mei auchea! Omw aninis mei aniniseoch ngeni kich!

*Mefiom non ei angangen
kapas eis epwe anisi ewe
Putai ne aechueno an sam me
inn pachenong non ei
angang ren ekkewe semirit
mei ter me pwal eochun
soponon aninis ngeni ewe
chon sukun me an we family.*



Ewe Hawai'i State Department an Education (putai) a aucheani ewe kapachenongen sam me inn non ekkewe mwich an ewe Individualized Education Program (IEP) fiti fengen me ekkoch mokutukutun an ewe sukun ekkewe mei awenewen ngeni an ewe chon sukun kaeo. Ewe Putai mei menei an epwe rong mefiom me kunaikomw ren an ewe sukun epwe chiechi ngonuk.

Mefiom non ei angangen kapas eis epwe anisi ewe Putai ne aechueno an sam me inn pachenong non ei angang ren ekkewe semirit mei ter me pwal eochun soponon aninis ngeni ewe chon sukun me an we family.

Iteiten ier, meinsin ekkewe state ika fonu mei fat nge repwe repot ngeni ewe ofesin Special Education Programs non ar we State Performance/Annual Performance Report (SPP/APR) non ewe pekin nampa wanu (8), ewe persentin an Sam me Inn ren ewe semirit mei angei aninisin sukun an mei ter, pwe ewe sukun epwe awora nenien an sam me inn repwe pachenong non angangen kaeo an ewe semirit an epwe aeochueno nonomun me pekinon an ewe semirit kaeo.

- Ka tongeni finata pungun kapas eis me esapw napeseni engol (10) minits omw kopwe awesi.
- Ioni ponuen kapas eis mei repot me tori kich ese pwal afatafat seni ion me ese tongeni an epwe pwarata an epwe itingenuk ika noum we semirit.
- Mei wor on asepal won computer ika ren an noum we semirit we sukun non taropwe an mei kawor me kamo.
- Mei wor non sokopaten kapasen fonu. (Ka tongeni katon ekkewe Kapas eis me Pungun kapas eis ren omw kopwe sineiochu porous)
- Mei kawor seni ewe sukun me murin ewe ewin ika mwichen IEP mei kan fis iteiten ier.

SURVEY INSTRUCTIONS

Ika ese wor anen omw kopwe nounou ewe mecha, katongeni tungor ren an noum we semirit iwe sukun ika mei wor nour omw kopwe tongeni nounou non ewe sukun.

On ewe kamputer, smartfone, ika taplet, kopwe suki ewe Internet iwe ka fori ewe Kapas eis won: <https://www.hiparentsurvey.com/>

Ika mei wor omw Quick Response (QR) on noum we kamputer, ka tongeni suki me fori ewe kapas eis ren omw kopwe aea ei QR code:

Ika ka mochen amosowa me awesi ewe survey ika kapas eis non taropwe esapw won computer, ka tongeni kori an noum we semirit we sukun.

Ei taropwe mei kawor non 16 kapasen fonu, a nomw won ewe putai paich, [Special Education Parent Involvement Survey](#).





QUESTIONS AND ANSWERS

Pwata upwe pachenong non ewe Parent Involvement Survey (an Sam me Inn repwe pachenong)?

En emon auchea chochon ewe teamen IEP. Ren omw awesi ei angangen kapas eis, eitn ngeni kich ifa usun an noum we semirit we sukun chiechi me aninis ngonuk. Met ekkewe saponon ika porous sia angei seni ei angangen kapas eis epwe anisi kich ne aeochueno me emwirinenoi an ewe sukun me Inn me Sam chiechi fengen ne aninis fengen ar repwe awatenoi ika anapano eochunon ekkewe chon sukun mei wor terir.

Mei require ika afatafat pun upwe awesei ewe angangen kapas eis?

Apw. Omw aninis me fansoun epwe seni omw finata. Simi menei me kinisou ren omw fangeno omw fansoun ne awesi ewe angangen kapas eis pun ekkei porous sia angei mi awora auchean memef me porous epwe weneiti ewe Department ika putai.

Met, ai ponuen ekkei kapas eis mei tumun me monomon esapw pwa ngeni ion ese pwal nifinifin?

Ewer. An emon me emon ponuen ekkei kapas eis mei repot non monomon ese tongeni epwe wor anen an epwe weneituk me noun we semirit. Ach sipwe pwal sopwei ne anukunuk ngonuk, met ekkei ponuen kapas eis sia angei, mei katatiw me ateten me nukun ar ewe Department, nge seni emon chon aninis me nukun ewe putai.

Meta, upwe ponueni meinisin ekkewe kapas ei won ewe angangen kapas eis?

Ewer. Kose mochen achocho ngeni ne ponueni ekkewe kapas eis mei awenewen ngonuk me noum we semirit. Watiw “Not Applicable” (N/A) ika pun ewe kapas eis esapw weneituk me saposopono ngeni ewe kapas eis murin.

Ngang mei tongnei angei ei kapas eis won me ruu, komputer ika me non taropwe?

Apw. Ren an epwe fateoch nampa me porous, kose mochen fini chok 1 me lein ika kopwe amasowa ewe angangen kapas eis on line (won computer) ika non taropwe. Kose mochen amasowa me awesi ew (1) kapas eis ren emon semirit mei wor ren IEP.

Inet fansoun ewe angangen kapas eis epwe kawor?

Ewe fansoun ka tongeni angei ei survey ika angangen kapas eis mei kawor ngonuk iteiten ier, murin an noumwe semirit ewin ika mwichen IEP iteiten ier. Ika pun simi tongeni mak ngonuk won komputer, epwe wor esinesin epwe toruk non asewal an epwe achema omw kopwe amasowa me awesi ewe angangen kapas eis me mwen epwe muuch sukun non ewe ier.

Mei wor rei ew angangen kapas eis non taropwe, nge mei wor nap seni emon nei semirit mei angei aninisin sukun an mei ter. Met, upwe awora pwal ew copi?

Apw. Kose mochen eisini an noum we semirit we sukun ren echo copi ren ewe kapas eis non taropwe fan iten noum we emon semirit. Ekkewe surveys me nampa ew me ew ren met sia angei pwal fan iten epwe pungupung eoch met sia ioni fan iten ekkewe semirit nge ese afatafat me awenewen ngeni meni semirit.

Ngang mei tongeni angei ewe angangen kapas eis non kapasen ekoch fonu me nukun kapasen ingenis?

Ewer. Ei angangen kapas eis mi wor omw kopwe tongeni fori me awesi online ika won komputer non kapasen Engelis, Hawaii, Masal, Tagalog ika kapasen finipin me kapasen spain. Mei pwal wor awewen non ekkei ekoch kapasen fonu ren: Sini, Chuuk, Ilocano, Sapan, Korea, Portuguese ,Samoa, Thai, Tonga me Vietnam. Omw kopwe angei meni kapasen fonu ka mochen otun omw pwal angeni non kapasen ingenis on line ika computer, ka tongeni no

ngeni: <https://hawaiipublicschools.org/school-services/parent-rights/parent-involvement-survey/>

Ren ewe Braille nikinik, ika fan iten ekkewe mei chuun meser repwe tongeni anea, ka tongeni kori an noum we semirit we sukun.

Ifa usun ai upwe sineiochu usun an ewe Department ika putai mokutukut ren ewe kinikin nampa wanu (8) non ewe SPP/APR? Ren omw kopwe sineiochu ifan usun an ewe Department ika putai mokutukut ika anganga ewe kinikin namapa wanu (8) me pwal ekkewe ekkoch kinikin mei pachenong SPP/APR, Kose mochen no

ngeni: <https://hawaiipublicschools.org/data-reports/state-reports/state-performance-plan-annual-performance-report/>

Io upwe esnengeni ika kori ren kapaseisin ifa usun ach sipwe awesi ewe angangen kapas eis?

Ka tongeni esinengeni ika kori sukun ika ewe Monitoring and Compliance Branch, ewe ofesin tumun won nampa (808) 307-3600.